

**i** FLETËUDHËZUES I PAKETIMIT:  
Informacion për përdoruesin

## GLUKONAT KALCIUMI

Tretësi për injeksion – 1000 mg / 10 ml  
(Kalcium glukonat)

**Lexojeni me kujdes këtë fletëudhëzues përpara se të filloni përdorimin e barit.**

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

**Në këtë fletëudhëzues:**

- Çfarë është Glukonat kalciumi dhe përse përdoret
- Përpara se të merrni Glukonat kalciumi
- Si ta merrni Glukonat kalciumi
- Efekte anësore të mundshme
- Si ta ruani Glukonat kalciumi
- Informacion i mëtejshëm

### 1. ÇFARË ËSHTË GLUKONAT KALCIUMI DHE PËRSE PËRDORET

Kalciumi është një element mineral i domosdoshëm për ruajtjen e barazpeshës elektrolitike dhe për funksionimin e duhur të shumë mekanizmave rregullatore. Pamjaftueshmëria e kalciumit shoqërohet me çrregullime neuromuskulore dhe demineralizimin e kockave. Kalciumi e rrit efektivitetin e leukociteve, shton fagocitozën dhe ka një efekt antioksidativ në kapilarët gjatë të ftohjes. Marja e kalciumit e rrit përqëndrimin e tij në serum dhe në të gjithë organizmin.

Nëntëdhjetëdhjetë përqind (99%) e kalciumit në organizëm është e lidhur me fosfatet në kockat, kryesisht si hidroksiapatit.

Glukonat kalciumi indikohet në mjekimin e gjendjeve hipokalcemike dhe si mjekim shtesë në gjendjet alergjike.

Mjeku juaj mund ta ketë dhënë Glukonat kalciumi për një qëllim tjetër.

Pyesni mjekun tuaj në qoftë se doni të dini pse ju është dhënë ky bar.

### 2. PËRPARA SE TË MERRNI GLUKONAT KALCIUMI

**Mos merrni Glukonat kalciumi në qoftë se:**

- keni mbindjeshmëri ndaj glukonatit të kalciumit ose ndaj ndonjërit prej përbërësve të tretësi për injeksion;
- jeni me hiperkalcemi (p.sh. në hiperparatiroidizëm, mbidozim të vitaminës D, tumore që shkaktojnë dekalçifikim, p.sh: plazmocitoma, metastazat e kockave);
- vuani nga hiperkalciuria e rëndë;
- vuani nga insuficienca e rëndë renale;
- vuani nga sindromi Zollinger – Ellison;
- vuani nga fibrilacioni ventrikular.

Kundërinikohet përdorimi i njëkohshëm i glukonatit të kalciumit me ceftriakson tek të porsalindurit (më pak se 28 ditësh), edhe në rastet kur përdoren në linja infuzioni të ndara.

Në qoftë se mendoni se keni ndonjë nga gjendjet e përmendura më sipër, mos e përdorni tretësin për injeksion, shkoni dhe flisni fillimisht me mjekun tuaj dhe ndiqni këshillat e dhëna.

### Tregoni kujdes të veçantë me Glukonat kalciumi

Njoftoni mjekun tuaj në qoftë se:

- jeni duke u mjekuar me glikozide kardiotonike sepse në këto raste përqëndrimi i kalciumit në serum duhet mbikqyru rregullisht;
- keni hiperkalciuri të lehtë (që nuk i kalon 300 mg ose 7.5 mmol në 24 orë);
- keni dëmtim mesatarisht të rëndë të funksionit të veshkave ose me të dhëna të mëparshme për nefrolitiazë (gur në veshka) sepse duhet mbikqyru sasia e kalciumit që jashtëqitet në urinë (në rast nevojë doza e kalciumit duhet ulur ose duhet ndërprerë. Të sëmuret që kanë prirje për nefrolitiazë duhet të marrin sasi të konsiderueshme lëngjesh);
- gjatë mjekimit me kalcium po merrni vitaminë D, duhet të ulet doza e saj, përveç rasteve kur ajo indikohet në mënyrë specifike.

Duhet të evitohet përdorimi i njëkohshëm i glukonatit të kalciumit me ceftriakson, duke qenë se mund të shfaqet formimi i precipitit ceftriakson-kalcium.

Tretësit e kripërave të kalciumit janë irrituese, ndaj duhet bërë shumë kujdes për të shmangur daljen jashtë vene të tretësi gjatë administrimit intravenoz. Gjithashtu, kujdes duhet treguar tek pacientët me sarkoidozë dhe me disa sëmundje malinje.

Ky bar duhet të merret me kujdes në pacientët të cilët janë duke ndjekur një dietë të kontrolluar me kripëra.

### Marja e barnave të tjera

Njoftoni mjekun ose farmacistin tuaj në qoftë se jeni duke marrë ose keni marrë së fundmi barna të tjera, edhe ato pa recetë të tilla si:

- verapamil (kur përdoret në disa doza të larta bashkë me vitaminën D, kalciumi mund ta ulë përgjigjen e verapamilit dhe ndoshta edhe të kalçibollukuesve të tjerë);
- glikozide kardiotonike (përdorimi i sasive të mëdha të kalciumit mund ta shtojë rrezikun e aritmive kardiake);
- citrate (në të sëmuret që bëjnë transfuzion gjaku, citrat mund të shkaktojë një kalçemi më të lartë se norma; në të sëmure të tillë, pjesa më e madhe e kalciumit e lidhur me citratin është jovepruese);
- diuretikë tiazidkë (përdorimi në të njëjtën kohë i diuretikëve tiazidkë mund ta rrisë riperthithjen renale të kalciumit);
- ceftriakson (shiko pikën 2).

Këto barna mund të ndikohen nga Glukonat kalciumi ose mund të ndikojnë në mënyrën se si ai vepron, ndaj në përdorimin e njëkohshëm të tyre mund të nevojitet të ulet ose të rritet sasia e Glukonat kalciumi. Mjeku ose farmacisti juaj do t'ju këshillojë.

### Shtatzënia dhe Ushqimi me gji

Njoftoni mjekun ose farmacistin tuaj në qoftë se jeni shtatzënë, po planifikoni të mbeten shtatzënë apo ushqeni fëmijën me gji.

### Drejtimi i automjetit dhe përdorimi i makinerive

Nuk ka të dhëna që të tregojnë se glukonati i kalciumit ndikon në aftësitë për të drejtuar automjetin apo përdorur makineri.

### 3. SI TA MERRNI GLUKONAT KALCIUMI

Gjithmonë merreni këtë bar vetëm sipas këshillës së mjekut. Në qoftë se ndjeni që efektet e Glukonat kalciumi janë shumë të forta ose shumë të dobëta, flisni me mjekun ose farmacistin tuaj.

Tretësira për injeksion Glukonat kalciumi përdoret si më poshtë:

Me injektim në venë

Të rriturit: 1 – 2 g (10 – 20 ml tretësi për injeksion 1000 mg / 10 ml) në ditë.

Fëmijët deri në 1 vjeç: 100 – 200 mg (1 – 2 ml tretësi për injeksion 1000 mg / 10 ml) në ditë;

1 – 6 vjeç: 200 – 250 mg në ditë;

6 – 15 vjeç: 250 – 500 mg në ditë.

Mjeku juaj mund t'ju kërkojë të merrni Glukonat kalciumi për një kohë më të gjatë. Pyesni mjekun tuaj për këshillë në qoftë se nuk jeni të sigurt për sa kohë duhet ta merrni.

### Në qoftë se keni marrë më shumë Glukonat kalciumi

Në qoftë se keni marrë më shumë Glukonat kalciumi se sasia që duhet të merrni, ose në qoftë se fëmijët e kanë marrë gabimisht këtë bar, ju lutemi të kontaktoni mjekun tuaj, spitalin, ose të telefononi urgjencën për të marrë një mendim për rrezikun dhe këshillë për veprimet që duhet të ndërmerren.

### Në qoftë se harroni të merrni Glukonat kalciumi

Në qoftë se harroni një dozë, merrni dozën në vazhdim kur të jetë koha për marrjen e zakonshme të saj. Mos merrni një dozë të dyfishtë për të plotësuar dozën e harruar. Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

### 4. EFFEKTET ANËSORE TË MUNDSHME

Të gjitha barnat mund të shkaktojnë efekte anësore. Ndonjëherë ato janë serioze, shumicën e herëve jo. Mos u alarmoni nga kjo listë e efekteve të mundshme anësore. Mund të mos ju shfaqet asnjë prej tyre. Përdorimi i kripërave të kalciumit në rrugë parenterale është shoqëruar me kalçifikim të indeve të buta.

Injektimi shumë i shpejtë intravenoz i kripërave të kalciumit mund të çojë gjithashtu në hiperkalçemi, shije shkurtesë në gojë, afshe të nxehta dhe vazodilatacion periferik.

Në qoftë se vëreni efekte anësore që nuk janë të përmendura në këtë fletëudhëzues, ju lutemi të njoftoni mjekun ose farmacistin tuaj.

### 5. SI TA RUANI GLUKONAT KALCIUMI

Mbajeni larg fëmijëve.

Mos e përdorni Glukonat kalciumi pas datës së skadimit e cila është e shënuar në paketim. Mos e ruani mbi 25°C!

### 6. INFORMACION I MËTEJSHËM

**Çfarë përmban Glukonat kalciumi - tretësi për injeksion**

**Lënda vepruese** është kalcium glukonat.

Çdo ampulë 10 ml përmban 1000 mg kalcium glukonat (10%).

**Përbërësit e tjerë** janë: acid borik, hidroksid natriumi, ujë për injeksion.

### Përbajtja e paketimit

Kuti me 10 ampula.

Kuti me 100 ampula (përdorim spitalor).

### Shpjegues i ikonave ilustruese në paketim:



Merret vetëm me recetën e mjekut.



Përbajtja.



Kujdes.



Tretësi për injeksion.

### Mbajtësi i autorizimit të tregtimit dhe prodhuesi:



**PROFARMA Sh.a.**  
Rruga "Myslym Keta"  
Tel.: 00355 4 23 89 602  
Tiranë - SHQIPËRI

**Ky fletëudhëzues u rishikua për herë të fundit në Korrik 2015.**